

ԺԵ.

Յիշեցինք արդէն, թէ Մամիկոնեանց կայուածներում այլ ևս երկու Ամենափրկիչ կոչուած խաչարձաններ կան. դոցանից մէկը նրանց կեդրոնական աւանում, Գոսդի մէջ, հին գերեզմանատանը (պատկ. 41): Խաչարձանը բարձրանում է երեք մեծ, իրար վերայ դրուած քարերով պատուանդանի վերայ. ներքեի քարերը սև են, իսկ վերեւինը, որի վերայ խաչն է հաստատուած, կարմրաուռն. նոյն գոյնն ունի և բուն խաչարձանը: Պատուանդանի վերեւի քարի երեսին իրար յետեից շարքով քանդակուած են չորս պարզ խաչեր, իսկ նրանց տակը հետեւալ արձանագրութիւնը.

1. Ի թՎ. ՉԼ (= 1281).
2. Ողորմութիւնն անց ես Տէրունս որդի Սալըլին իմ եղբէրացովս
3. կանկնեցի զ
4. էչս (պակասած է իս) յանուն Գրիգորոս որ զուր եւ մահո
5. լամբ ի քս փոխեցաւ որ էր պարծ (1)
6. անաց . . . մեր որք երկրպագէք
7. յաղաւթս յիշեցէք

Սաչի պատուանդանի վերայ՝ հիւսիսային կողմը դրուած է «Վարհամ յիշեցէք», որ քարգործն է, իսկ Գրիգորը, որի անունով Սալըլի որդի Տերունը իւր եղբայրներով կանգնել է այս արձանը, ամենայն հաւանականութեամբ, Գրիգոր Մամիկոնեանն է, Մամիկոնի հայրը և Մարծպանի որդին:

Սմբաքանդակի կեդրոնը այստեղ ևս, բնականաբար, բուն խաչելութիւնն է, խաչափայտի վերին և հորիզոնական թեւերի ծայրերը կրկնախաչ. Յիսուս գլուխը թեքել է դէպի մայրը, որ կանգնած է աջ կողմից և երկու ձեռքով բռնել է որդու խաչից պոկուած ձեռքը և համբուրում է: Սաչեցեալի լուսոյ պսակը մակերևոյթից փոքր ինչ դուրս է բնկած, նոյնը և Մարիամինը, որի վերայ դրուած է «անածին»: Յիսուս մերկ է, ամօթանքը միայն ծածկուած մինչեւ ծնկները, ոտներն իրար կողքի գամուած և դէպի աջ ուղղուած. իսկ Մարիամ

զլխին լաչակ է ձգել, որ անցնում է պարանոցի տակով և ծալքերով իջնում ուսերին. վերան ձգել է կարճ վերնազգեստ, իսկ նորա տակից մինչև ոտները հասնող վերնաշապիկ: Մարիամի հանդիպակաց կողմը «Յովհաննէս»ն է, ինչպէս և դրուած է լուսոյ պսակի վերայ. նա աջը դրել է ծնոտին, իսկ ձախը կրծքին. դէմքը կլոր, առանց մորուքի, քիչ եղծուած. զլխի մազերը թափուած ուսերին: Վերնազգեստը ծալքաւոր, և հասնում է մինչև սրաքիթ կոշիկ հագած ոտները: Սրանից ցած ծունկ է չոքել նիկողիմոս, նիմբուսի ելնդաւոր վերտառութեան համեմատ, ունելիքը մեկնել է Յիսուսի ոտքից բեկուր հանելու համար. ունելիքի մասը քիչ կտորուած: Միւս կողմը՝ Մարիամից ցած՝ «Յովսէփ»ն է ըստ նիմբուսի գրութեան, ձեռքերը մեկնած ազաւուրի ձեռով և գլուխը վեր բարձրացրած, գօտին՝ մինչև ծնկների գլուխը հասնող՝ կապայի վերայից: Սաչի պատուանդանի տակ, որ Գողգոթան է և եռամասերով ձեւացրած, նկատուած է «Աղամ»ի գլուխը: Սաչելութեան զլխին դրուած է ցուցանակ-տախտակը, վերան ելնդաւոր տառերով «սայ է թագաւոր հրէից» գրուած: Յուցանակի տակից «աջ ան» խաչակնքում է, ձախ անկիւնից դէպի աջ մեկնուած, իսկ նորա մօտ ազաւակերպ հոգին՝ «հոգի անց» գրուած. հորիզոնական թեւերի վերայ խորաքանդակ գրերով. «ձեռք որ զելիկնս աբարին տարածեցել ի խաչիս»:

Սաչքարի ճակատին՝ կեդրոնում Ամենակալի անդրին է սկաւառակի մէջ, աջով խաչակնքում է, իսկ ձախով մի ժապաւէն բռնել (բաց մագաղաթ) վերան «ես եմ լոյս աշխարհի» խոր քանդակուած: Աջից երեւում է ճառագայթարձակ «արեգակ», ծաղկազարդի մէջ սիրուն գրուած, զարդարուն թեւերով և պոչով թռչունի մէջքին. իսկ միւս կողմից «լուսին» մի կենդանու, թրւում է մէջքը շորով ծածկուած եղի վերայ:

Սաչի ֆոնն ամբողջապէս ելնդաւոր արմաւենիկի և ցօղունների զարդարանք է, իսկ վերեւի ճակատը եռագլիմ հիւսուածքի մի ժապաւէն:

(1) Երրորդ, հինգերորդ և եօթերորդ տողերը գրուած են պատուանդանի հարաւային երեսին: